


四書解疑


卷十九



漢書門類			
八	六	三	三
冊	函	號	類

內閣文庫			
二	八	漢	
七	六	書	
函	二	號	類
二	一	冊	
一	六	號	
架	三	類	

內閣文庫			
番號	漢	8623	
冊數	16 (15)		
函號	277	201	



下論

淺草大庫

問先進章禮樂何指曰此章禮樂主文質說

問陳蔡及門事曰家語楚昭王聘孔子孔子往拜禮路出于陳

蔡陳蔡大夫發徒役圍之絕糧七日蔡羹不糝從者皆病孔子

愈慷慨講誦絃歌不輟乃召子路而問焉曰詩云匪兕匪虎率

彼曠野吾奚為于此子路愠作色而對問子貢子貢曰夫子之

道大天下莫能容盍少貶焉問顏回顏回曰夫子之道大天下

莫能容雖然不容何病不容然後見君子孔子欣然笑曰有是

哉使爾多財吾為爾宰於是使子貢至楚昭王與師迎孔子然

後得免又莊子云陳蔡之圍孔子謂子路子貢曰君子通于道

禮記

卷十七

下論

一

四書解義 卷一 下論
之謂通窮于道之謂窮。霜露既降，是以知松柏之茂也。孔子削然反琴而絃歌，子路挖然執干而舞，子貢曰：古之得道者，窮亦樂，通亦樂，非樂窮通也。道德于此則窮通為寒暑風雨之序矣。問鬼神死生曰：孔子言人生有氣有魄，氣者神之盛也，夫生必死，死必歸土，此謂鬼，魂氣歸于天，此謂神，合鬼與神而享之，教之至也。

問長府曰：書六府，水火金木土穀，以其為財用之所自出，故曰府。左傳昭公二十五年，公居長府，通考云：春秋於長府不書必，閔子諷諫之力。

問由之瑟曰：家語子路鼓瑟，孔子聞之，謂冉有曰：先王制音，奉中聲以為節流，入于南，不歸于北，南者生育之鄉，北者殺伐之域，舜歌南風之詩，其興也勃焉，紂好北鄙之聲，其亡也忽焉，今出也無意，子先王之制，豈能保其六七尺之體哉？冉有以告子路，子路懼而自悔，靜思不食，以至骨立。子曰：過而能改，其進矣乎。

問商也不及曰：子夏篤信聖人，即廣大高明，所得多矣，苟其率性之中，畧有幾微之不合，便為不及，非可以淺見窺也。問貨殖曰：貨殖傳云：子貢既學于仲尼，退而仕于衛，廢著居財之也鬻財于曹魯之間，七十子之徒，賜最為饒益，嘗結駟連騎，束帛之幣，以賤享諸侯，所至國君無不分庭與之抗禮，夫使孔子名

播揚于天下者子貢先後之也。此所謂得勢而益彰者乎。

問子羔曰高柴子羔。或作季臯齊人高後十代孫也。為人篤孝。自見

孔子。未嘗越禮。足不履影。啓蟄不殺。方長不折。執親之喪。泣血

三年。未嘗見齒。為衛士師。別人之足。俄而有崩賸之亂。子羔逃

之。走郭門。別者守門焉。謂羔曰。彼有缺。羔曰。君子不踰。又曰。彼

有竇。羔曰。君子不隊。又曰。於彼有室。子羔乃入。既而追者罷。羔謂

別者曰。吾別子之足。而逃我者。三何哉。曰。斷足。吾自取之。獄將

決。而君愀然不樂。君非私我也。孔子聞之曰。善哉。為吏用法一

也。思仁恕。則樹德。加嚴暴。則樹怨。公以行之。其柴乎。

問註中民生于三事之如一。曰國語藥其子云。民生于三事之

如一。父。生之。師。教之。君。食之。非父不生。非食不長。非教不知。生之類也。故一事之。惟其所在。則致死焉。

問季子然曰。平子之子桓子之弟也。習見其父。遂昭公。有不臣之心。因自多其家。得臣由求。

問社稷曰。孝經緯云。社。土地之主也。地濶不可盡敬。故封土以

報功。稷。五穀之長也。穀衆不可徧祭。故立稷神以祭之。祭法。共

工氏。在伏羲後。神農前。之。霸九疇也。其子曰。后土。能平九州。故祀以為

社。厲山氏。農。即神農。之。有天下也。其子曰。農。能殖百穀百蔬。夏之衰

也。周棄繼之。故祀以為稷。

問讀書為學曰。尚書大傳云。子夏讀書畢。見夫子曰。書之論事。

昭昭如日月之代明。離離如星辰之錯行。商所受於天子者。志也。之于心。不敢忘也。後漢書云。昔者先學大道以觀於政。夫為君而不明于道。上無以承天。下無以化民。為臣而不明于道。進無以事君。退無以修身。游神乎經書之林。馳情乎元妙之中。明照于日月。而知溢于四海。享堯舜之榮。荷稷契之烈。自然理也。問師旅。曰。小司徒之法。五人為伍。五伍為兩。四兩為卒。五卒為旅。五旅為師。五師為軍。蓋百人為卒。五百人為旅。二千五百人為師。問饑饉。曰。爾雅云。穀不熟為饑。蔬不熟為饉。果不熟為荒。仍饑為薦。

問宗廟會同。曰。春官大宗伯之職。以肆獻裸享先王。以饋食享先王。以祠春享先王。以禴夏享先王。以嘗秋享先王。以烝冬享先王。又以賓禮親邦國。春見曰朝。夏見曰宗。秋見曰覲。冬見曰遇。時見曰會。殷見曰同。時聘曰問。殷頌曰。視。蓋會者無常期。王將有征討之事。為壇于國外。而命以政焉。同者。王若十二年不巡狩。六服盡朝。王亦為壇。而命以政焉。殷眾也。註中眾頌。即殷見也。

問端章甫。曰。端衣名。鄭氏云端取其正。謂衣袂皆二尺二寸而屬幅。廣袤音裒長也等也。染以元色。故曰元端。古者君臣皆得服之。玉藻云。天子元端以朝。日於東門之外。聽朔於南門之外。卒食。

元端而居。諸侯元端以祭。朝元端。夕深衣。章甫。經布冠也。夏曰母追。音年商曰章甫。周曰委貌。皆以漆布為之。三代行道之冠也。蓋甫者丈夫也。服之以表章丈夫也。

問小相。曰天官太宰。眡同滌濯及納亨。養王牲事。祀之日。贊玉幣。玉几玉爵。大朝覲會同。贊玉幣。玉几玉爵。春官大宗伯。凡祀大神。祭大元。祗同享大鬼。涖玉鬯。省牲鑊。奉玉盞。同詔大號。

詔相王之。大禮朝覲會同。則為上相。此云小相。僅自附于承攬。紹攬。次介末介之列。謙辭也。

問沂。曰沂水出於魯城南尼邱山。此山即顏母所祈而生孔子也。山東數里有顏母廟。山南數里即孔子父瑋處。即禮所謂防

墓崩者也。平地發泉。流經魯縣東門外。即爰居所止處也。問舞雩。曰龍見而雩。用盛樂常也。歲旱禱雨。使童男女舞之。變也。此處有壇。樹木可遊可風。

問方六七十等。何得為諸侯。曰自卿大夫而下。有都宮。無宗廟。自附庸而下。有通閭。無會同。所以為諸侯之事。

問司馬牛。曰宋桓公之後。本桓氏。世為宋司馬。又以司馬為氏。名耕。字子牛。桓魋之弟也。魋作亂。牛適齊。魋奔齊。復適吳。吳人

惡之。而反魯。趙簡子陳成子皆召之。卒於魯郭門之外。阮氏魯人葬諸邱。與地牛兄弟五人。長左師。向巢。次魋。次子頎。子車與魋

同惡。牛最幼而賢。

問足食足兵。曰朱子云。制田里。薄賦斂。使民有常產而不失其時。則倉廩實而足食矣。比什伍。時簡閱。使民有勇而知方。則戎備飭而足兵矣。齊氏云。考井田之法。周人常以其地容三百五十萬四千夫。養七十五萬卒。無事則隸於司徒。有事則隸於司馬。大率以五夫養一卒。足食即所以足兵也。

問駟不及舌。曰夏后氏駕兩馬。謂之駟。殷人益一。駟謂之駟。周人又益一。駟謂之駟。駟者一乘四馬。兩服馬在車中。兩驂馬在車外也。鄧析云。一言而非。駟馬難追。一言而急。駟馬難及。

問虎豹。曰說文云。虎山獸之君。淮南子云。虎嘯而谷風生。埤雅云。豹花如錢。詩疏云。毛赤而文黑。為赤豹。毛白而文黑。為白豹。

易曰。大人虎變。其文炳也。君子豹變。其文蔚也。

問年饑。曰哀公十二年十三年皆有蝻。連年用兵於邾。又有齊警。所以年饑而用不足。

問徹。曰徹與助相似。公劉為殷之諸侯。而其詩曰。徹田為糧。當時已謂助為徹矣。要之貢法無常田。而租有常額。猶今之計助

則官有常田。租無常額。猶今之計助周之徹法。天子提封百萬井。

諸侯提封萬井。就萬井計之。一井公田百畝。當有百萬畝。每畝

受粟一石八斗。當為一百八十萬石。一井八家。每家四婦。當為

八萬婦。每婦收其布絹二匹。當為十六萬匹。而絲絮不與焉。以

此守宗廟之典籍。凡祭祀宮室婚姻死喪。百官之廩祿燕享諸

侯之幣帛饗殮并賞祀賢勞存問長老皆吉凶賓嘉之常禮至于軍需則有車馬甲兵之備旌旄戎服之修或取之粟米或收之布縷即此租稅所入而費已充矣地官載師任地近郊十一遠郊二十而三甸稍縣都皆無過十二漆林之征二十而五此在王畿之內言之若畿外皆十一

問宣公稅畝曰春秋宣公十五年初稅畝周法民耕百畝公取中田百畝今又履其餘畝是十取其二非禮也公羊傳云什一者天下之中正也什一行而頌聲作矣

問註中陳氏厚施曰左傳晏子云陳氏有厚施於民豆區音金鍾之數以公量入以私量貸之取之公也薄施之民也厚詩曰

雖無德與汝式歌且舞陳氏之施民歌舞之矣景公曰是可奈何對曰唯禮可以已也止之在禮也施不及國大夫不收公利公曰吾今而後知禮之可以為國也蓋公量四升為豆四豆為區四區為釜釜十為鍾陳氏私量五升為豆至鍾乃大矣

問景公多內嬖而不立太子曰公夫人燕姬適同于死公寵妾

茵姬生子荼荼少其母賤無行大夫言願擇長賢者為太子公老惡言嗣事又愛荼母欲立之憚發之口乃曰為樂耳國何患無君乎公疾立荼為太子逐羣公子公卒荼立田乞召公子陽生即位遷荼於貽殺之於是政在田乞矣

問折獄曰獄謂之牢言堅牢也又謂之圜土謂之圜圉願樂也急

就章。臯陶造獄。胡氏云折者折而二之也。兩辭具備。曲直未分。乃平別其孰為曲直。判然爾途。所謂折也。

問小邾句繹事。曰左傳小邾射。音亦大。夫名。以句繹地來奔。曰使季

路要誓我。吾無盟矣。使子路。子路辭。季康子問之。對曰魯有事

於小邾。不敢問故。死其城下可也。彼不臣。窮地。叛君。而濟其言。是義

之也。由弗能。

問康子患盜。曰定公八年。盜質竊寶玉大弓。汲冢周書云魯多

盜。康子獲一人。詰之。對曰。此猶之蟻慕糞而附。寧能已耶。子大

夫為政。不能不盜。何以詰吾盜。柳下蹠嘯其徒數千人。驅山之

陽。挾人肝而食之。享年九十。而邑宰不得問也。陽貨竊國命。叛

賈囚桓寶。玉大弓。偃然竊以逋也。子大夫不得問也。子大夫名

則魯臣。實魯君焉。國政為家事。國賦為家賦。而魯君不得問也。

昭公乾侯之難。惟季孫意如之故。不得正其終。魯何以有王章

也。逐一君復易一君。而周天子不得問也。吾儕小人其何知。知

則於人而已矣。康子曰。辨哉盜也。去之。繫于獄中。汲冢周書

問書言宥過無大。此何言赦小過。曰宥者寬也。赦者舍也。無心

之過大者亦宥。未嘗全赦也。若小過竟赦之矣。易解卦云。君子

以赦過宥罪。秋官司刺掌三赦三宥之法。一赦曰幼弱。再赦曰

老旄。同髦。三赦曰蠢愚。一宥曰不識。再宥曰過失。三宥曰遺忘。此

可見赦與宥之不同也。

問正名曰。子羔與子路問曰。夫子何以處衛事也。子曰。孫不禰。父祖子不先。父前者仇。母後者仇。父是踵亂也。子羔曰。然則如何。曰。遣一介之使。告於晉曰。不肖。輒居守社稷。一聽冢君之是為。則衛君無父而有父也。亡人無子而有子也。衛人無君而有君也。曷為乎稱兵也。子路曰。有是哉。子之迂也。子曰。亂在衛君。貳於倫野哉。由也。一於義。禮記曰。名者人治之大者也。可無慎乎。

問老農老圃曰。太宰九職任萬民。一曰三農生九穀。二曰園圃毓草木。可見古者人各有業也。

問魯衛兄弟口。周公教伯禽治魯曰。尊賢而親親。武王誥康叔治衛曰。明德而慎罰。其後魯桓公以弟而篡。兄衛出公以子而拒。父魯季氏逐君而專。魯衛林父逆君而入衛。大略相似也。

問公子荆曰。家語云。荆一名南楚。年十五而攝行相事。孔子聞之。使人往觀。返曰。觀其朝。清淨而少事。其堂上有五老焉。其廊下有三十壯士焉。子曰。合三十五人之智以治天下。其固免矣。况荆乎。後衛獻公三年。季札適衛。見荆而悅之。曰。衛多君子。未有患也。

問冉有何以為僕。曰。僕以御車。為藝之一故。司徒以之教萬民。保氏以之教國子。有同等為之僕者。有降等為之僕者。非賤事也。

問近說遠來曰說苑云葉公問政子曰政在附近而來遠子貢問其故曰荆之地廣而都狹民有離心焉故云然

問斗筭與算曰十升為斗筭即今所謂筭箕綱鑑云黃帝命隸首作算數以率其羨要其會而律度量衡由是而成焉漢志云

算起於黃鍾合大衍之數度長短者不失毫釐量多少者不失圭撮權輕重者不失黍絫同紀于一協于十長于百大于千衍

于萬其術宜于天下在小學則太史職之義和掌之問巫醫曰春官司巫掌羣巫之政令歲大旱帥巫而舞雩國大

裁帥巫以造巫恒男巫掌管祀望衍授號旁招以茅招游冬堂贈無方無算春招弭以除疾病世紀云神農使岐伯嘗草木味

與醫療疾天官醫師掌醫之政令凡人之有疾病者疔瘍者造焉使醫分而治之歲終稽其事以制其食十全為上十失一次

之十失二次之十失三次之十失四為下問教民以戰曰務農積穀於其先簡閱訓練於其後出兵則受

成於學返兵則釋奠於學以訊馘告皆先王教民之義也問羿稟曰羿偃姓有窮之君幼習弓矢仰天歎曰我將射四方

當夏太康荒淫畋同田獵也於有洛之表距之於河王崩於陽夏羿立仲康及仲康崩其子相立羿遂逐相而自立淫于原獸棄賢

臣而用寒浞浞行媚于內施賂于外外內咸服羿歸自畋其徒逢蒙取桃梧殺之夏遺臣靡奔有鬲氏浞因羿室生澆即稟也

恃其讒。愿詐偽不德于民。使澆滅斟灌。斟尋。二國名。處澆于過。國靡自有鬲氏。收二國之燼。以滅浞。而立少康。少康滅澆于過。而有窮遂亡。原一名澆。力能陸地行舟。
問禪。諶曰。左傳云。禪。諶能謀。謀於野則獲。謀於邑則否。鄭國將有諸侯之事。子產乃問四國之爲于子羽。且使多爲辭令。與禪。諶乘以適野使謀可否焉。

問世叔。曰。世叔游吉也。一曰子太叔。公子偃之孫也。以王父氏爲氏。其人質美秀而文。能討古論今。善于辭令。詳見左傳。

問行人子羽。曰。行人掌使令之官。秋官有大行人。小行人。掌諸侯朝覲宗遇會同之禮。諸侯之行人亦然。子羽。公孫揮也。能知四

國諸侯之所欲爲。而辨其大夫之族姓班位。貴賤能否。善爲辭令。

問子產從政。何說在後。曰。此可見擇能而使之意。

問子西。曰。子西。楚公子申也。平王之庶長子。平王卒。令尹子常欲立之。子西不可。乃立昭王。十年。吳師伐楚。戰于柏舉。楚師大敗。五戰及郢。昭王涉睢。濟江。入于雲中。復奔隨。子西爲王與服。以保路。所以安人心。國于脾。洩。聞王所在而後從王。昭王反國。以子

西爲令尹。吳太子終纍敗楚舟師。楚人大惕。懼亡。子西喜曰。乃今可爲矣。知懼則可治。於是乎遷郢於都。音若改。都爲郢。而改舊紀。其政以定楚國。楚昭王召孔子。欲使執政。而封以書社七百里。子西

曰楚之祖封于周爲子男五十里。今孔子述三王之法，明周召之業，王若用之，則楚安得世世堂堂方數千里乎？文王在豐，武王在鎬，百里之君，卒王天下。今孔子得據土壤，賢弟子爲佐，非楚之福也。昭王乃止。初，楚太子建遇讒奔鄭，鄭人殺之，其子勝在吳，子西召之，使處吳境爲白公。僭稱公請伐鄭，楚救之，與之盟。勝怒，與其徒石乞作亂，殺子西于朝。子西以袂掩面而死。
問孟公綽曰：左傳襄公二十五年，齊崔杼伐我北鄙，公患之。公綽曰：崔子將有大志。欲弑君不在病我，何患焉？齊師徒也歸。空史記云：孔子之所嚴事，於魯孟公綽是也。
問趙魏曰：趙之先與秦共祖，至飛廉時，有子二人，一爲惡來，事

紂爲周所殺，其後爲秦惡來之弟季勝，其後爲趙。勝生孟增，幸於周成王，是爲皐狼，狼生衡父，衡父生造父，幸于周穆王，使御之西巡狩，見西王母，樂之，忘歸，而徐偃王反，穆王日馳千里馬，攻破之，因賜造父以趙城。以下六世至奄父，去周事晉。晉文侯始建趙氏，又六世至趙夙，生共孟，孟衰，趙宗益興，魏之先畢公高之後也。高與周同姓，封于畢，爲畢姓，其後絕封爲庶人。苗裔有畢萬，事晉獻公，十六年伐霍、耿、魏，趙夙爲御，畢萬爲右，以耿封夙，以魏封萬。卜偃曰：畢萬之後必大，萬滿數也。魏大名也，以是始賞，天開之矣。

問卜莊子曰：莊子魯卞邑大夫，性好勇，常刺虎，齊人欲伐魯，忌

之不敢過。

問公叔文子曰。文子名枝衛大夫也。季札見文子悅之曰。衛多君子。檀弓云。公叔文子卒。其子成音成請諡於君曰。日月有時將葬矣。請所以易其名者。君曰。昔者衛國凶飢。夫子為粥與國之餓者。是不亦惠乎。衛國有難。夫子以死衛寡人。是不亦貞乎。聽國之政。修班制以與四鄰交。不亦文乎。故謂貞惠文子。

問臧武仲以防求後曰。左傳。季武子無適子。公彌長而愛悼子。欲立之。訪於臧紇。即武中紇曰。飲我酒。吾為子立之。臧孫命北面重席。新樽潔之。召悼子。降逆同之。大夫皆起。及旅而召公鉏。即公彌使與之齒。季孫失色。孟孫惡臧孫。孟孫莊卒。公鉏奉羯莊子。

次立于戶側。遂立羯。同臧孫入哭甚哀。其御問之曰。季孫之愛我疾疾也。孟孫之惡我藥石也。美疾不如惡石。夫石猶生我疾之美。其毒滋多。孟孫死。吾亡無日矣。孟孫告臧氏將為亂。不使我葬。臧孫聞之戒。使甲從已。季孫命攻之。臧紇斬鹿門之關。以出奔邾。復自邾使告臧賈。紇之兄且致大蔡焉。賈使為賈之弟納請。遂自為也。臧孫如防。臧氏采邑使來告曰。紇非能為害也。智不足也。非敢私請。苟守先祀無廢二勳。紇交仲之孫宣叔之子敢不避邑。乃立臧為將盟臧氏。無辭。孟椒曰。盍以其犯門斬關。乃盟曰。毋或如臧孫紇干國之紀。犯門斬關。臧孫聞之曰。國有人焉。誰居音基其孟椒乎。夫當日盟臧氏之罪。但以其犯門斬關。而不知據防請。

後實屬要君。此春秋誅意之法也。

問管仲召忽曰。管子云齊僖公生公子諸兒。公子糾。公子小白。

使鮑叔傅小白。鮑叔辭。管仲曰。小白無小智而有小慮。子出奉

令。則可。鮑叔許諾。及無知殺襄公。即諸兒鮑叔奉小白奔莒。管仲

召忽奉子糾奔魯。既而小白踐位。是為桓公。桓公請魯殺子糾。

束縛管仲。召忽。仲謂忽曰。子懼乎。忽曰。何懼乎。令子相齊之左

必令忽相齊之右。雖然。殺君而用吾身。是再辱我也。子為生臣。

忽為死臣。忽也知得萬乘之政而死。公子糾可謂有死臣矣。子

生而霸諸侯。公子糾可謂有生臣矣。名不兩立。死生有分矣。入

齊境。自刎而死。君子曰。忽之死。賢于生也。仲之生。賢于死也。家

語子路問管仲。子曰。桎梏而無慙心。自裁審也。事所射之君。通

於變也。不死子糾。量輕重也。夫子糾未成君。而管仲未成臣。不

死而立功名。未可非也。忽過於取仁。未足多也。

問兵車。曰。即小戎也。古者車戰之法。甲士三人。一居左。以主射。

一居右。以主擊刺。御居中。以主馳驅。沈括傳兵車。輕車也。利於

捷速。輜車重。故曰輜重。

問桓公衣裳之會。九曰魯莊公十三年春會於北杏。十四年冬

會於鄆。十五年春會於鄆。十六年冬同盟於幽。二十七年夏同

盟於幽。僖公元年秋會於榿。五年夏會於首止。六年秋盟於甯

母。九年夏盟于葵邱。此九會也。又僖公二年秋盟於貫。三年秋

會於陽穀亦衣裳之會但服江黃不在此數

問桓公兵車之會四曰僖公八年春盟於洮十三年春會於鹹十五年春盟於牡邱十六年冬會於淮此四會也

問衛靈公曰公名元幸癰疽彌子瑕二人者專君之勢以蔽左右復塗偵以夢鼃君諷君謂鼃者前之人場也後之人無從見也今臣疑人之有場於君者乎君曰善

問遽伯玉曰名瑗衛大夫靈公與南子夜坐聞車聲麟麟至闕而止過闕復有聲南子曰此必遽伯玉也公曰何以知之曰君子不為昭昭伸節不為冥冥墮行詢之果然及孫文子名林甯惠子名殖將逐獻公入見伯玉伯玉曰君制其國誰敢奸之遂行

從近關出。蕩公十二年。獻公使子鮮告甯。甯欲復國。喜告伯玉。伯玉曰。瑗不得聞君之出。敢聞其入。遂行。又從近關出。後三年。季札適衛。悅之。曰。衛多君子。淮南子云。伯玉行年五十而知四十九年之非。史記孔子之所嚴事。於衛遽伯玉。

問思不出立。曰。此艮卦之詞。艮止也。咸以艮為內卦。故窮神知化。大畜以艮為外卦。故篤寔輝光。君子之宅心。只在一止。

問方人。曰。徐幹論見人而不自見。謂之矇。聞人而不自聞。謂之聵。慮人而不自慮。謂之瞽。故明莫大乎自見。聰莫大乎自聞。處莫大乎自慮。

問石門。曰。春秋齊侯鄭伯盟於石門。齊地守石門者魯人。遁世不

仕。自隱姓名。主晨夜開閉。

問磬曰。帝嚳造鐘磬。磬立秋之樂也。夷則之氣象萬物之成也。特懸大聲。配罇鐘。孔子在衛所擊。謂編磬十六枚。同一筍簣者也。樂記石聲磬。磬以立辨。辨以致死。君子聽磬聲。則思死封疆之臣。

問荷蕢曰。衛人也。遊亂不仕。荷草器以自食其力。

問深厲淺揭曰。爾雅云。以衣泚水為厲。繇同膝以下謂揭。繇膝

以上為涉。繇帶以上為厲。

問百姓曰。白虎通云。古者聖人吹律定姓。以記其族。五音有宮商角徵羽。轉而相雜。故百而異也。

問原壤曰。文王第十六子。原伯之後。孔子之故人。其母死。孔子助之沐椁。壤登木曰。久矣。予之不託於音也。歌曰。狸首之斑然。

言木之華。執女手之卷。音然。言木之滑膩。夫子若為弗聞也。而過之從

也。者曰。子未可以已乎。曰。親者無失其為親也。故者無失其為故也。

問陳法曰。唐太宗曰。天地風雲龍虎鳥蛇。此八陣何義也。李靖

曰。臣按黃帝始立井田之法。因以制兵。井分四道。八家處之。開方九焉。虛其中。大將居之。環共四面。諸部連繞。終於八也。及乎

變化制敵。則紛紛紜紜。闔亂而法不亂。渾渾沌沌。形圓而勢不散。散而為八。復而為一也。武經陣法。凡卒一人居地。廣縱各二

步十人為列。十列為隊。廣縱各二十步。此行列之法也。前後相禦。左右相防。行必魚貫。立必雁行。長以參。短以參。長同軍。轉陣以後為前。以前為後。進無遠。奔退無遽。步四頭八尾。觸處為首。敵衝其中。兩頭俱救。此教習之法也。


問俎豆。曰：祭器也。禮薦用玉豆。雕纂俎用梡。虞氏以梡。夏后氏以厥。殷以楨。周以房俎。

問明日遂行。曰：靈公問陳。後明日與孔子語。見蜚雁。仰視之色不在孔子。孔子遂行。

問紳。曰：帶之垂者。禮云：參分帶下。紳居二焉。長則易至。失容又云：有事則收之。走則擁之。所以謹身也。

問史魚。曰：名鱮。字子魚。季札適衛。悅之。曰：衛多君子。子魚屢諫。靈公進伯玉。退彌子。公不聽。及病且死。謂其子治喪於北堂。靈公往弔。蹙然改容。因聽其言。徙喪於正堂。子曰：古未有如史魚以尸諫者也。

問夏時。曰：天有北極。北極外為紫微垣。垣之側有北斗。六星在垣內。杓音標在垣外。每初昏時。杓所指之方。謂之建。所建之主。即為月之辰。左傳：履端於始。序則不愆。舉正於中。民則不惑。歸餘於終。事則不悖。王者受命。改正朔。夏正以正月。十寸為尺。律中太蔟。平旦為朔。殷正以十二月。九寸為尺。律中大呂。雞鳴為朔。周正以十一月。八寸為尺。律中黃鍾。夜半為朔。周書云：萬物春。



生夏長秋收冬藏。天地之正四時之極。不易之道。夏數得天。百王所同。子曰。吾得夏時焉。朱子云。三陽始備。協風乃至。而春氣應焉。古之聖人。以是為生物之始。改歲之端。至商周始有三統之說。然以言乎天。則生物之功未著。以言乎地。則改歲之義不明。而凡四時五行之序。皆不得其中。正孔子所以考論而行夏時也。饒氏云。行字兼令說。古人每月有政令。於每月行之。觀書日中星鳥等。亦是建寅。可知古聖皆然。商周特改以新天下之耳目耳。

問殷輅。曰。通典有虞氏因彤車而制鸞車。夏后氏因鸞車而制鉤車。殷因鉤車而制大輅。周因殷輅而制五輅。春官巾車掌王

之五輅。玉輅以祀。不以封。金輅以封。同姓象輅。以封異姓革輅。

以封四衛。木輅以封蕃國。服車五乘。孤乘夏五色也。篆刻也。卿乘夏

纁書也。大夫乘墨黑也。士乘棧素也。庶人乘役有方箱也。註云。飾

金玉則易敗。不若木輅之樸素渾堅也。

問周冕。曰。世本云。黃帝作冕。上元下朱。前圓後方。前垂四寸。後

垂三寸。春官司服。掌王之吉服。祀昊天上帝。則服大裘黑也。而冕。祀

五帝亦如之。享先王則衮冕。享先公則鷩冕。祀四望山川則毳

冕。祭社稷五祀則絺冕。祭羣小祀則元冕。鄭氏云。天子衮冕十

二旒。鷩冕九旒。毳冕七旒。絺冕五旒。元冕三旒。自天子以下。各

降以二。士以弁。庶人以冠。周之祭冕。纁采備飾。故夫子取之。

問韶舞曰書云帝乃誕敷文德舞于羽于兩階七旬有苗格春

官大司樂舞雲門黃帝樂以祀天神舞咸池堯樂以祭地祇舞大磬

韶以祀四望舞大夏禹樂以祭山川舞大濩湯樂以享先姓舞大武

武王以享先祖左傳夫舞者所以節八音而行八風故自八以

下

問柳下惠曰惠魯公族展氏也名獲字季禽無駭之子盜跖之

兄食邑柳下諡曰惠家語子曰孝恭慈仁允德圖義約貨去怨

輕財不匱柳下惠之行也仕魯終身不去齊孝公侵魯公使展

喜惠之弟犒師使受命於展禽呂氏春秋云齊侵魯求岑鼎魯以

廣偽也鼎與之齊告魯必柳下惠以為是則受君使惠對曰棄臣

之信以免君之國亦臣所難也乃以真岑鼎往國語海鳥曰爰

居止於魯東門之外三日臧文仲使國人祭之展禽譏之文仲

聞之使書之以為三策同策

問史之闕文曰黃帝始立史官蒼頡居職至夏商分置左右曰

左史記言右史記事周有太史小史內史外史御史之官曲禮

云史載筆士載言夏有太史終殷有太史摯周有太史佚及太

史儋太史叔服史擯史蘇史趙而周任為古之良史老子為守

藏室史又為柱下史見於春秋者晉之董狐衛之史魚楚之左

史倚相其最著遭秦火官失其守漢武帝始置太史司馬談與

遷父子居其職得撰史記十二本紀三十世家十表八書七十

列傳凡一百三十篇後漢班彪續數十篇其子固以漢可獨立一史為記表傳九十九篇未畢其妹曹大家音姑續成今漢書是也其後又有東觀漢記百二十篇至晉初陳壽作三國志此所謂闕文者公羊高云文疑則闕貴信史也俗皆愛奇莫顧寔理傳聞而欲偉其事錄遺而欲詳其迹於是棄同即異穿鑿旁說為述遠之巨蠹析理居正唯素心乎

問師冕曰魯樂師瞽者也古者樂師皆用瞽以其廢視而聽專且令天下無廢人也

問相師曰春官賦賧掌太師之懸凡樂事相瞽記云禮有損詔樂有相步温之至也

問顓臾曰左傳任宿須句顓臾風姓也是司太皞與有濟之祀以服事諸夏

問東蒙曰馮厚齋云禹貢有二蒙徐州蒙羽其藝東蒙也梁州蔡蒙旅平西蒙也魯頌奄有龜蒙此蒙即東蒙在東曰東山土地附庸謂顓臾也

問周任曰千姓編云周任商太史蓋立言人也一云周大夫左傳周任有言曰為國家者見惡如農夫之務去草焉芟夷蘊崇之絕其本根勿使能殖則善者伸矣又曰為政者不賞私勞不罰私怨詩云有覺德行四國順之

問兕曰兕似牛一角毛青重千斤有水兕有山兕善牴觸故先

王以其角為罰爵贊云皮充武備角助文德蓋皮堅厚可以為

鐙

問龜曰靈龜元文五色神靈之精上隆法天下平法地能見存亡明於吉凶漢書云元龜形長尺二寸天子所用直一千一百六十為尺貝十朋公龜九寸以上直五百為壯貝十朋侯龜七寸以上直三百為公貝十朋子龜五寸以上直百為小貝十朋是為寶四品易曰或益之十朋之龜註大寶也

問註中四分公室曰左傳昭公五年季孫舍中軍甲公初作中軍三分公室而各有其一季氏盡征之無所失於公叔孫氏臣其子弟以父兄歸公孟氏取其半焉復以之半及其舍之也四分公室季

氏擇二二子各一皆盡征之而貢於公國盡屬三家三家人隨時獻公而已

問註中家臣屢叛曰定公五年陽虎囚季桓子九月巳丑盟桓子於稷門之內八年陽虎欲去三桓十月將享季氏於蒲圃而殺之陽虎前驅林楚御桓子以適孟氏公斂處父帥成人與陽虎戰陽氏敗虎脫甲如公宮取寶玉大弓以出入於謹陽關以叛

問干戈曰干盾也所以衛己戈戟也所以克敵

問蕭牆曰鄭氏云蕭之言蕭也牆謂屏也君臣相見至屏而加

肅也在門之內今觀王府外牆曰蕭牆

問註中以越伐魯曰哀公二十七年公患三桓之侈欲以越伐

魯如公孫有陘氏因孫於邾遂如越

問註中公子遂殺子赤曰文公十八年文公二妃敬嬴生宣公

敬嬴嬖而私事襄仲自公宣公長而屬諸襄仲襄仲欲立之叔

仲不可仲見於齊惠公而請之齊侯新立而欲親魯許之冬十

月殺惡及視夫人姜氏歸於齊將行哭而過市曰天乎仲為不

道殺適立庶市人皆哭魯人謂之哀姜

問有道無道曰陳止齋云此語備春秋之始終禮樂征伐自天

子出是春秋以前時節自諸侯出隱桓莊閔之春秋也自大夫

出僖文宣成之春秋也陪臣執國命襄昭定哀之春秋也

問千駟曰註駟四馬也禮書云天子十二閑馬六種合良馬駑

馬凡三千四百五十六匹諸侯六閑馬四種凡二千二百九十

六匹卿大夫四閑馬二種凡八百六十四匹彼衛文公駟牝三

千已近於天子而景公千駟四千又過於天子矣

問夷齊餓於首陽曰汲冢書叩馬後或勸以商可復夷齊曰此

非吾事也吾之諫為萬世之君臣也今惟有死耳或又曰有死

而何以採薇為天下周之天下則山亦周山薇亦周薇無乃欲

死而求生乎遂餓而死伯夷名允字公信叔齊名智字公達

姓墨胎氏夷齊其諡也出史記索隱

問邦君之妻曰曲禮云天子之妃曰后後諸侯曰夫扶人大夫

曰孺屬人士曰婦服也庶人曰妻齊也又公侯有夫人有世婦有

妻有妾。夫人自稱於天子曰老婦。自稱於諸侯曰寡小君。自稱於君曰小童。自世婦以下。自稱曰婢子。

問陽貨曰。貨一名虎。季氏家臣昭公出。季平子執政。陽虎執國命。國人憚之。定公五年。平子卒。陽虎囚桓子。平子八年將享季

氏於蒲圃而殺之。桓子適孟氏。公斂處父與戰。虎敗奔齊。鮑文子謂虎親富不親仁。乃囚之。虎以葱靈有障之車逃奔晉。見趙簡子。

孔子聞之曰。趙氏其世有亂乎。

問牛刀曰。莊子養生云。庖丁為文惠君解牛。春音然騞然。奏刀

騞然。莫不中音。君曰善哉。技乎。庖丁釋刀對曰。臣之所好者道也。進乎技矣。始臣解牛之時。所見無非牛者。三年之後。未嘗

見全牛也。方今之時。臣以神遇而不以目視。官知止而神欲行。依乎天理。批大郤。同隙導大窾。空也因其固然。技經肯綮。骨肉相著處之

未嘗而況大觚也乎。臣之刀十九年矣。而刃若新發於硎。彼節者有間。而刃者無厚。以無厚入有間。恢恢乎。游刃有餘地矣。君

曰善哉。吾聞庖丁之言。得養生焉。

問公山弗擾曰。名不狃。字子洩。季氏家臣。為費宰。不得志於季氏。欲因陽貨以去。三桓遂以費畔。定公十二年。子路為季氏宰。

將墮費。弗擾帥費人攻之。弗克。奔吳。哀公八年。吳將伐魯。問於弗擾對曰。魯雖無與。必有與。斃諸侯將救之。未可以得志。王弗

聽。使弗擾帥師伐魯。故道險從武城。使魯為之備

問孔子不仕陽貨何弗擾召而欲往曰史記公山畔季氏使人召孔子孔子温温無所試莫能已用曰文武起豐鎬今費雖小倘庶幾乎據史記是畔季氏此云公山召而欲往或以其畔季氏非畔魯觀其在吳猶不忘宗國非若陽貨奔齊即請齊伐魯也

問佛肸曰晉大夫趙氏之中牟宰趙簡子攻范氏中行氏伐中牟佛肸畔置鼎於庭謂不與者烹巨人田單一作基曰義死不避斧鉞之罪義窮不受軒冕之榮無義而生不如烹褻衣就鼎脀止之簡子攻取中牟賞田單單曰賞一人以慚萬夫義者不取也遂南之楚

問匏瓜曰埤雅云長而瘦上曰瓠短頸大腹曰匏瓠甘匏苦二物不同不食以苦也天文圖有匏瓜星故曰繫不食不可食也猶南箕北斗之意詩匏有苦葉蓋蠢然之物但可繫之腰以渡水而不可食註不能飲食謂匏瓜無變化人則不然也

問孺悲曰魯人也恤由之喪哀公使孺悲之孔子學士喪禮士喪禮於是乎書

問註中食粥廬衰曰禮傳云父母之喪既瀆食粥朝一溢米暮一溢米既虞卒哭疏食水飲不食菜菹期而小祥服食菜菹又期而大祥服食醯醬中月而禫二十飲醴酒食乾肉齊衰之喪疏食水飲不食菜菹大功九不食醯醬小功五總麻三不飲醴

酒。

問博奕曰說原云博盡關塞之宜得周通之三路有梟盧雉犢為勝負之采鳥么也所擲頭謂之瓊。博物志堯造棋教丹朱舜作圍棋周武帝造象戲世說王中郎以圍棋為坐隱支公以圍棋為手談馬融棋賦三尺之局為戰鬪場怯者無功貪者先亡離離馬目連連雁行富食不食反受其殃。

問微子曰名啟帝乙首子紂之庶兄食采於微曰微子微畿內國名子爵也。數諫紂不聽遂亡。及武王伐紂克殷持祭器造軍門使復位封紂子武庚祿父以續殷祀及成王殺管叔誅武庚封微子為殷後國於宋。微子卒嫡子早亡立其弟衍為微仲。

問箕子曰名胥餘紂親戚也食采於箕曰箕子紂為象箸歎曰彼為象箸必為玉杯。凡錦衣九重高臺廣室遠方珍怪之物稱此以求天下不足矣。紂作炮烙之刑諫不聽人勸其去曰去則彰君之惡吾不忍為也。乃被髮佯狂而為奴。鼓琴自悲曰箕子操。武王克殷為之陳洪範。封於朝鮮。在東而不臣。後朝周過殷墟作麥秀之歌曰麥秀漸漸兮禾黍油油兮彼狡童指兮不與我好兮殷民間之流涕。

問比干口亦紂親戚也。見箕子為奴則曰王暴不諫非忠也。畏死不言非勇也。君有過而不以死爭則百姓何辜。乃陳先王艱難天命不易願王洗心易行。伏於象魏之門。紂大怒曰比干自

以爲聖人矣。吾聞聖人之心有七竅。遂剗視其心。問三黜。不去。何無憂色。曰。符子云。展禽言。春風鼓百草。秋霜零百草。枯茂非四時之悲。欣榮辱。豈吾心之憂喜。問景公待孔子。曰。史記。景公欲以尼谿之田封孔子。晏嬰曰。儒者滑稽而不可軌法。倨傲自順。不可以爲下。周室旣衰。禮樂缺有間。今孔子盛容飾。繁登降之禮。趨踰之節。累世不能殫其學。窮年不能究其蘊。君欲用之。以移齊俗。非所以先細民也。景公遂不果用。

問齊人歸女樂。曰。史記定公以孔子爲中都宰。一年四方皆則之。山中都宰爲司空。由司空爲大司寇。定公十年春及齊平。夏會於夾谷。十四年孔子年五十六。由大司寇行攝相事。於是詠魯大夫亂政者少。正卯與聞國政。三月。鬻羔豚者弗飾。賈男女行者別於塗。塗不拾遺。齊人聞而懼。挈鉏請沮之。選齊國中女子好者八十人。皆衣文衣而舞康樂。文馬三十駟。遺魯君陳女樂。文馬於魯城南高門外。季桓子微服往觀。再三將受。乃語魯君爲周道游。往觀終日。怠於政事。子路曰。可以行矣。子曰。魯今且郊。如致牖於大夫。則猶可以止。桓子卒受女樂。三日不聽政。郊又不致牖。俎於大夫。孔子遂行。作倚蘭之操。曰。習習谷風。以陰以雨。之子於歸。遠送於野。何彼蒼天。不得其所。逍遙九州。無有定處。世人闇蔽。不知賢者。年紀逝邁。一身將老。宿乎屯。師已。

送之孔子歌曰彼婦之口可以出走彼婦之謁可以死敗優哉游哉維以卒歲師已反告桓子喟然歎曰夫子罪我以羣婢故也孔子遂適衛

問接輿曰姓陸名通楚人也好養性躬耕以爲食莊子云孔子將適楚接輿歌而過之曰福輕乎羽莫之知載禍重乎地莫之知避山木自寇也膏火自煎也桂可食故伐之漆可用故割之人皆知有用之用而不知無用之用也韓詩外傳楚昭王問接輿賢使者齎金造門笑而不應使者去其妻從市歸曰子幼而爲義豈將老而遺之哉門外轍迹何深也曰富貴人所欲也子何惡焉妻曰吾聞士不爲貧而易操不爲賤而改行妾事夫子躬

耕以爲食親績以爲衣據義而動其樂亦自足矣若乘人堅良食人肥鮮將何以待之曰吾不許也妻曰不如去之乃夫負釜

餽妻載經器變易姓字莫知其所之
問耦耕曰耜廣五寸二耜爲耦蓋二人並耜用力以發土也故一川之間萬夫有萬耦耕

問津曰渡水處謂津亦曰濟又水會處謂之津

問耨曰師古云摩田器也布種後以耨摩田使土之開處復合

曰覆種

問丈人曰丈人莊嚴之稱凡親而老者皆稱焉

問五穀曰鄭氏云麻黍稷麥豆職方氏辨九穀之數楊荆其穀

宜稻。豫并其穀宜五種。黍稷菽麥稻青州宜稻麥兗州宜四種。黍稷稻麥

雍冀宜黍稷幽州宜三種。黍稷稻

問註中不辨菽麥曰左傳周子有兄而無慧不能辨菽麥故不可立。

問虞仲曰卽仲雍。太伯之弟。太伯卒無子。仲雍立。子貢曰太伯

端委以治周禮。仲雍嗣之。斷髮文身。羸以或作衣爲飾。豈禮也哉。

有由然也。言其權時制宜以避災害

問夷逸曰夷氏逸名。夷詭諸之後也。族人夷仲年爲齊大夫。夷射姑爲邾大夫。獨逸隱居不仕。輕世肆志。或勸之。逸曰吾譬則牛也。寧服軛以耕於野。豈忍被繡入廟而爲犧乎。

問朱張曰字子弓。朱張行與孔子同。故不復論。考王弼註。苟

卿嘗取以比孔子。此言之失倫也。

問少連曰東夷人也。少昊氏之後。家語子貢問曰聞諸晏子。少

連大連善居喪。其有異稱乎。子曰父子之喪。三日不怠。三月不

解。期悲哀。三年憂。東夷之子。達於禮者也。

問亞飯等曰古者天子諸侯飯皆以樂侑。勸也王平居中央。制御

四方。平旦食。少陽之始也。晝食。太陽之始也。脯食。少陰之始也。

暮食。太陰之始也。諸侯無初飯。尊卑之差也。

問鼗曰如鼓而小。持其柄播之。旁耳還自擊。呂氏春秋帝嚳使倕作鼗。王制云天子使諸侯樂。以祝將之。賜伯子男樂。以鼗將

之。蓋祝以合樂。鼗則節之而已。

問師襄曰。卽孔子所從學琴者也。史記孔子學鼓琴於師襄。十

日不進。曰。某得其曲矣。未得其數。有間曰。未得其志。有間曰。未

得其人。有間。穆然深思。怡然高望。曰。某得其爲人。黷黷然而黑

幾頽然而長。眼如望羊。遠視也心如王四國。非文王其孰能爲此

也。師襄避席再拜曰。師蓋云文王操也。

問魯公曰。周公元子。名伯禽。封於少昊之墟曲阜。是爲魯公。荀

子云。伯禽將之魯。周公留相成王謂之曰。我文王之子。武王之弟。今

王之叔父。吾於天下不賤矣。然我一沐三握髮。一飯三吐哺。起

以待士。子慎毋以魯國驕人也。史記伯禽之魯。三年而後報政

周公。公曰。何遲也。曰。變其俗。革其禮。故遲。先是太公封齊。五月

報政。公曰。何疾也。曰。吾簡其君臣禮。從其俗爲也。至是聞伯禽

報政遲。乃歎曰。魯後世其北面事齊矣。政不簡不易。則民不近。

平易近民。民必歸之。伯禽卽位之後。淮夷徐戎並反。帥師伐之。

於盼。卽費邑作盼誓。遂平徐戎。定魯。通鑑云。伯禽朝於成王。見周

公。三見三筮之。問商子曰。南山之陽有木名喬。或作喬南山之陰

有木名梓。盍往觀之。往見喬木高而仰。梓木實而俯。趙告商子。

曰。喬者。父道梓者。子道。由是見周公入門而趨。登堂而跪。周公

拂其首。勞而食之。曰。安見君子。對曰。見商子。周公曰。君子哉。商

子也。

子也。

子也。

問八士。曰皆南宮氏。周文王時皆為虞官。掌山澤晉胥臣曰文王之卽位也。詢於八虞。及武王伐商。命南宮伯達遷九鼎於洛邑。命南宮适散鹿臺之財。仲突以下不少。概見汲冢周書。命南宮忍振鹿臺之財。宜和博古圖云。武王時有南宮仲。知八士皆南宮氏也。馬氏鄭氏謂成王時人。劉向謂宣王時人。註兩存之。
問伯仲叔季。曰白虎通云。四時用事。先後長幼。兄弟之象也。
問註中百家衆技。猶耳目鼻口。曰莊子耳目鼻口皆有所明。不能相通。猶百家衆技也。皆有所長。時有所用。雖然不該不徧。一曲之士也。

問居肆。曰管子。士農工商四民不可使雜處。雜處則其言囂。其事易。故聖王處士必於閒燕。農必就田野。工必就官府。商必就市井。

問諫。曰孔子云。忠臣之諫有五義。一諂諫。二嚮諫。三降諫。四直諫。五風諫。諷諫惟度主而行之。吾從其風諫乎。

問灑掃應對進退。曰曲禮云。凡為長者糞之禮。必加帚於箕上。以袂鉤而退。其塵不及長者。以箕自鄉。向而扱。音之。謀於長者。必操几杖以從之。長者問。不辭讓而對。非禮也。長者與之提携。則兩手奉長者之手。負劔辟咎詔之。則則掩口而對。侍坐於先生。先生問焉。終則對。從於先生。不越路而與人言。遭先生於道。趨而進。正立拱手。先生與之言。則對。不與之言。則趨。

而退 見父之執不謂之進不敢進不謂之退不敢退不問不敢對此孝子之行也

問堂堂曰孔子言自吾得師前有光後有耀是可想見堂堂處
問孟莊子曰名速獻子之子莊子年少嗣立與季孫宿同朝宿
弒之父文子名行忠於公室宿不能守而改之莊子獨能不改
所以為難

問陽膚曰一統志陽膚武城人曾子弟子七人膚其一也

問士師曰士師掌國之五禁五戒及士之八成孔子為司寇時
有父訟子者夫子赦之曰上失其道而殺其下非仁也不教以
孝而聽其訟是殺其不辜也會子蓋祖夫子之意云

問叔孫武叔曰名州仇桓公庶子叔牙牙生戴伯伯生莊叔得
臣臣生穆叔豹豹生昭子媯媯生成子不敢不敢生武叔州仇
是叔牙六世之孫

問元牲曰檀弓云夏后氏尚黑大事斂用昏戎事乘駟牲用元
殷人尚白大事斂用日中戎事乘輪牲用白周人尚赤大事斂
用日出戎事乘駟牲用駢

問權曰漢志云權者銖兩斤鈞石也所以稱物平施知輕重也
本起於黃鍾之筭一龠容千二百黍重十二銖兩之二十四銖
為兩十六兩為斤三十斤為鈞四鈞十斤為石銖者忽微之意
兩者二十四氣之象也斤者明也四時乘四方之象也鈞者均

也三十日成月之象也石者大也十二月成歲之象也

問量曰漢志云量者龠合升斗斛也所以量多少也本起於黃

鍾之龠十龠為合十合為升十升為斗十斗為斛而五量嘉矣

其法用銅方尺而圓其外旁有虺音條其上為斛其下為斗

左耳為升右耳為合龠其狀似爵夫量者躍於龠合於合登於

升聚於斗角於斛也考工氏栗作栗氏為量音銘曰時文思索允

臻其極嘉量既成以觀四國永啟厥後茲器維則

問度曰漢志云度者分寸尺丈引也所以度長短也本起於黃

鍾之長以子穀秬黍中不大者一黍之廣度之九十分黃鍾之

長一為一分十分為寸十寸為尺十尺為丈十丈為引而五度

審矣其法用銅高一寸廣二寸長一丈而分寸尺丈存焉用竹

為引引十高一分廣六分長十丈分者別也寸者忖也尺者音夔


也丈者張也引者信也夫度者別於分忖於寸夔於尺張於丈

信於引引者信天下也此言審法度則度之所該甚廣不徒

度長短也

問因利曰民居五土所利不同山者利在禽獸材木渚者利在

魚鹽蒲葦中原利在五穀五蔬人君因其所利使各得其所安



四書解義補遺 卷十 下論

